

# POZIV ZA MLADE ZA UČEŠĆE U INOVACIJSKOM IZAZOVU „IDEJE ZA BUDUĆNOST“





## O INOVACIJSKOM IZAZOVU

Inovacijski izazov je dio zajedničkog projekta “**Pravednije društvo: Promocija društvene kohezije i raznolikosti u BiH – Dijalog za budućnost 3 (DFF3)**”, koji finansira **Fond za izgradnju mira Generalnog sekretara Ujedinjenih nacija (PBF)**.

DFF3 projekat zajednički provode **Razvojni program Ujedinjenih nacija (UNDP)**, **Fond Ujedinjenih nacija za djecu (UNICEF)**, **Organizacija Ujedinjenih nacija za obrazovanje, nauku i kulturu (UNESCO)**, u saradnji s **Predsjedništvom Bosne i Hercegovine** i **Ministarstvom civilnih poslova BiH**, s ciljem jačanja **društvene kohezije, međusobnog povjerenja i aktivnog učešća mladih** kroz obrazovne, kulturne i ekološke inicijative.



## CILJ INOVACIJSKOG IZAZOVA

Cilj izazova je da se mladima pruži prostor i podrška za razvoj inovativnih ideja koje mogu unaprijediti kvalitet života u zajednicama kroz:

- ✓ Unapređenje društvene kohezije, mira i povjerenja
- ✓ Digitalne i tehnološke inovacije
- ✓ Ekološke i zelene inicijative
- ✓ Kreativne i obrazovne pristupe za inkluzivno obrazovanje

**Inovacijski izazov će biti organizovan kroz dvije faze:**

- **Faza 1: Razrada osnovnih ideja unutar zajednica – trenutna faza**
- **Faza 2: Prijava ideja putem Inovacijske platforme** – implementira se putem Platforme za otvorene inovacije.

**Faza 1:**

 **Cilj ove faze je prikupiti kvalitetne ideje za inovacije koje prikazuju kako mladi vide rješenja za probleme u zajednicama.**



## TRAJANJE POZIVA

**Poziv za dostavljanje ideja u prvoj fazi inovacijskog izazova je otvoren od četvrtka, 22. maja 2025. do četvrtka, 19. juna 2025. u 23:59h**

 Prijave pristigle nakon isteka roka neće biti razmatrane.



## KO SE MOŽE PRIJAVITI?

◆ Mladi uzrasta od **18 do 35 godina** iz partnerskih jedinica lokalne samouprave:

**Bosanska Krupa, Doboј, Glamoč, Gornji Vakuf – Uskoplje, Milići, Mostar, Stolac, Teslić, Tuzla i Zvornik**

◆ Učestvovati mogu:

- **Pojedinci (mladi od 18 do 35 godina), državljani Bosne i Hercegovine**
- **Timovi** od najmanje tri člana (svi članovi i članice trebaju biti od 18 do 35 godina, državljani Bosne i Hercegovine)
- **Pravna lica** (OCD-i, škole, univerziteti, javne institucije – uz uslov da je nositelj/ica prijedloga osoba uzrasta 18–35 godina)

## 💡 TEMATSKE OBLASTI

Predložene ideje treba da se odnose na jednu ili više oblasti:

1. 🌱 **Zelene inicijative**
2. 💻 **Digitalne i tehnološke inovacije**
3. 🎨 **Kulturno-umjetnička rješenja**
4. 🎓 **Obrazovne inovacije**

## 📌 Očekivani rezultati

U duhu poziva na Inovacijski izazov za mlade, očekuju se inovativna rješenja koja doprinose jačanju društvene kohezije, mira i inkluzivnosti u lokalnim zajednicama.

Predložene ideje trebaju:

- Promovisati pozitivne narative, povjerenje i mir;
- Unaprijediti dijalog i povezivanje unutar zajednica;
- Koristiti digitalne tehnologije za rješavanje društvenih izazova;
- Razvijati kreativne i kulturne inicijative;
- Poticati ekološku održivost i kvalitet života;
- Nuditi inovativne obrazovne pristupe kroz digitalne alate i kreativno učenje.

## 📄 KAKO SE PRIJAVITI?

📄 Timovi ili pojedinci trebaju poslati prijavni obrazac najkasnije do **19. juna 2025. u 23:59h** putem linka:

### 👉 **OBRAZAC ZA PRIJAVU IDEJE**

📎 Prijava uključuje:

- Identifikovani problem u zajednici
- Predloženo rješenje
- Lične ili organizacione podatke
- Dokaz o državljanstvu (ili registraciji za pravna lica)

## 📅 INFO DAN

Kako bi se detaljnije predstavila ideja Inovacijskog izazova i pružile dodatne informacije, biće organizovani info dani za sve zainteresirane, i to:

📢 **Online informativna sesija:**

📅 **29. maja 2025. u 11:00h**

📍 **MS Teams (registracija obavezna)**

👉 Registracija: **OBRAZAC ZA REGISTRACIJU**

**Dodatni info dani uživo** će biti organizovani u zajednicama na osnovu iskazanog interesa iz prijava.

## 👤🗳️ KO I KAKO OCJENJUJE PRIJAVE?

U prvoj fazi inovacijskog izazova sve pristigle prijave ocjenjuje komisija koju čine:

- Predstavnici partnerskih JLS
- Predstavnici UNDP-a

**Kriteriji na osnovu kojih će se vršiti evaluacija idejnih prijedloga u ovoj fazi su:**

- Da li je predloženo rješenje dostavljeno u skladu s ciljevima i tematskim oblastima ovog Inovacijskog izazova za mlade? (**Da/Ne**)


- Da li predložena ideja nudi inovativan, kreativan i originalan pristup rješavanju identifikovanog problema u lokalnoj zajednici ili šire? **(Da/Ne)**
- Da li je aplikant dostavio dokaz o državljanstvu (za fizička lica) ili izvod iz registra/sudski izvod (original ili ovjerena kopija – za pravna lica)? **(Da/Ne)**
- Da li je aplikant ispravno popunio prijedlog početne ideje u skladu s formatom „identifikovani problem – potencijalno rješenje“? **(Da/Ne)**

**Samo ideje koje ispunjavaju navedene kriterije biće pozvane u sljedeću fazu razvoja.**

### ŠTA NAKON TOGA?

◆ Najbolje ideje ući će u drugu fazu Inovacijskog izazova, koja će biti realizovana putem Platforme za otvorene inovacije. Kroz ovu fazu, odabrani učesnici i učesnice će imati priliku da dodatno razrade, usavrše i detaljno opišu svoje inovativne prijedloge i predstave na Platformi.

◆ Učesnici druge faze će imati priliku da učestvuju u **radionicama za razvoj ideja**, uz mentorstvo stručnjaka iz oblasti inovacija, zajedničkog rada i projektne logike. Radionice će biti organizovane na četiri lokacije u Bosni i Hercegovini, a za sve učesnike i učesnice projekat će pokriti sve troškove učešća (*prevoz, ručak, i osvježenje*).

 Za sve učesnike i učesnice druge faze Inovacijskog izazova **12. avgusta 2025.** biće organizovan **Live pitch događaj** na kojem će imati priliku da pred stručnim žirijem predstave svoje detaljno razrađene prijedloge, podnesene putem Platforme za otvorene inovacije. Pobjednici Inovacijskog izazova biće proglašeni na ovom događaju nakon glasanja žirija.

### NAGRADE

**Ukupni nagradni fond** koji je dostupan u okviru Inovacijskog izazova za mlade iznosi **maksimalno 20.000 KM.**

- **Iznos pojedinačne nagrade** za pobjednička rješenja koja dostave **pojedinci** iznosi **1.000 KM.**
- **Iznos pojedinačne nagrade** za pobjednička rješenja koja dostave **timovi od najmanje tri osobe** iznosi **2.000 KM** (nagrada se dodjeljuje predstavniku tima).
- **Iznos pojedinačne nagrade** za pobjednička rješenja koja dostave **pravna lica** iznosi **2.000 KM.**

**Projekat zadržava pravo da ne dodijeli cjelokupan raspoloživi fond** ukoliko dostavljena rješenja ne ispunjavaju definisane kriterije i očekivane standarde kvaliteta. Ukupan broj nagrađenih rješenja zavisit će od rezultata *live pitch* događaja.

### USLOVI UČEŠĆA

Učešćem u izazovu, učesnici prihvataju sljedeće:

- Za učešće u Inovacijskom izazovu za mlade, svi učesnici i učesnice trebaju dostaviti svoje ideje u skladu s pravilima izazova, u obje faze takmičenja.
- Prijavom na izazov, učesnici i učesnice stavljaju svoje ideje na raspolaganje kao zajedničko dobro u duhu otvorenih inovacija, te se odriču ekskluzivnih prava nad njima. Organizatori izazova zadržavaju pravo korištenja, razvoja i dijeljenja dostavljenih ideja bez ograničenja.
- Ako predloženo rješenje uključuje korištenje podataka trećih strana, potrebno je obezbijediti pisanu dozvolu za njihovu upotrebu, kao i validan dokaz o licenci ili odobrenju, osim u slučaju korištenja otvorenih podataka.

- Inovatori i inovatorice čije ideje budu nagrađene dobiće nagradu **isključivo za idejni prijedlog**, putem ugovora za fizička i/ili pravna lica.
- 📌 DFF3 zadržava pravo da ponudi mogućnost **partnerskim ili zainteresiranim organizacijama civilnog društva (OCD)** da dalje razviju i implementiraju odabrane ideje, uz mogući angažman samih autora, ukoliko iskažu interes

### ? KONTAKT

Za dodatna pitanja ili pojašnjenja koristiti pripremljeni obrazac na linku:

 [OBRAZAC ZA UPITE](#)

🌟 Budi promjena koju želiš vidjeti. Prijavi se! 🌟